



Cussegl da vischnaunca
M2-2021/2024

M o z i u n

Rinforzar la posiziun dalla cumissiun da gestiun

Per garantir in bien menaschi communal drova ei sper l'executiva e la legislativa era in efficient organ da controlla. Quella funcziun ei adossada alla cumissiun da gestiun. Ils davos onns eis ei denton adina puspei semussau che quella sa buca exequir sia inacrica per compleina cumententscha, damai che sias cumpetenzas ein restrenschidas.

Avon decennis ha la vischnaunca da Mustér introduciu in cussegl da vischnaunca ella fuorma d'in parlament communal. En ina votaziun consultativa dils 24 da fevrer 2008 ha la cuminanza dils votants confirmau quei sistem. El medem mument ein las cumpetenzas dil cussegl da vischnaunca vegnidias augmentadas e la muntada dalla cumissiun da gestiun rinforzada.

Entras ina adattaziun da pli tard, ha la cumissiun da gestiun buca pli la funcziun d'ina cumissiun predeliberaonta e sa buca pli s'exprimer directamein ellas debattas dil cussegl da vischnaunca tier damondas da finanzas sco era tier auters fatgs impurtonts.

Sin fundament dallas experientschas dils davos onns eis ei perquei necessari da rinforzar la posiziun dalla cumissiun da gestiun tenor il sistem francaus ella constituziun communal dils 22 da zercladur 2008. Ina modificaziun duei ei dar cun slargiar la cumposiziun dalla cumissiun da gestiun cun eleger ina entochen duas persunas dil fatg ordeifer il gremi dil cussegl da vischnaunca ed aschia augmentar sia cumpetenza finanziaria. Quei sistem vegn per exemplu praticaus ellas vischnauncas da Cuera, Domat e Glion ed ei secumprovaus.

Sin fundament da quellas explicaziuns vegn la suprastanza communal incaricada:

Da suttametter al cussegl da vischnaunca ina revisiun parziala della constituziun communalia cun la finamira da rinforzar la posiziun dalla cumissiun da gestiun el senn dil concept da 2008, denton cun risguardar la modificaziun sura menziunada.

Cusseglieras e cussegliers che han inoltrau la moziun:

Moziunari: Edgar Durschei

Larissa Fry Schuster	Armin Berther	Mario Flepp
Helga Probst-Linder	Armin Manetsch	Adrian Flepp
Remo Huonder	Adrian Deflorin	Otmar Flepp
Silvia Bucheli	Rafael Maissen	

Disentis/Mustér, ils 20 da zercladur 2024

Surdau: Gievgia, ils 20 da zercladur 2024

Posiziun dalla suprastonza communal

1. General

La suprastonza communal ha tractau la moziun ch'ei veginida inoltrada a caschun dalla seduta dil cussegl da vischerna dils 20 da zercladur 2024 ed ei veginida tier la conclusiun d'acceptar la moziun per rinforzar la posiziun dalla cumissiun da gestiun.

La suprastonza communal vul cun quella lavur denton gest nezegiar la caschun d'instradar ina revisiun parziala dalla constituziun communal. La davosa revisiun totala dalla constituziun communalia ei veginida approbada dil pievel ella votaziun all'urna dils 22 da zercladur 2008. Quella revisiun schai gia 16 onns anavos.

Plinavon ei cun l'inoltraziun dall'iniziativa la fin d'avrel 2012 veginiu pretendiu ina midada dall'eleciun e funcziun dalla cumissiun da gestiun. Quella stoppi veginir eligida dalla cuminanza da votantas e votants. Lur commembers astgien buca appartener il medem mument al cussegl da vischerna ed al cussegl da scola. Ella votaziun dils 3 da mars 2013 ha la populaziun dau cun gronda maioritad (65%) suatientscha all'iniziativa resp. alla revisiun parziala dils artechels 13 al. 3, 32 lit. b, 36 al. 1 lit. a sco era 52 dalla constituziun communalia.

La suprastonza communalia ei promta da far las ponderaziuns necessarias per in rinforzament della cumissiun da gestiun. A vesta dalla transformazion communalia e las restructuraziuns internas ei ina revisiun parziala dalla constituziun communalia il davos pass necessari per modernisar el futur nossas structuras communalas. Ensemes cun la fatschenta Curia AG ei en in emprem pass cunzun veginiu intercuretg sin nivel operativ las structuras ed ils process cun la finamira dad haver el futur in'organisaziun sempla ed efficienta cun vias da decisiun cuortas, agilas e speditivas.

Risguardond las novas structuras operativas duei en connex cun la moziun veginir repassau ed adattau la constituziun communalia al temps dad oz, leu nua ch'igl ei necessari. La lavur dalla revisiun parziala duei entscheiver igl emprem quartal 2025. Per quei intent vegin formau ina cumissiun speciala ch'exista dil moziunari, da treis cusseglierAs, dil president communal e treis convischinAs. La cumissiun speciala vegin eligida dalla suprastonza communalia (art. 50, constituziun communalia).

2. Proposta

Sebasond sin las explicaziuns suranumnadas

r e c a m o n d a

la suprastonza communalia al cussegl da vischerna:

- d'acceptar la moziun "Rinforzar la posiziun dalla cumissiun da gestiun" (M2-2021/2024) sco formulau sura dalla suprastonza communalia.

Suprastonza communalia Disentis/Mustér
Il president: Il canzlist:


René Epp


Andri Hendry

Disentis/Mustér, ils 26 d'uost 2024